




ILLERSORTEQARNISSAT

PISINNAATITAFFIGAAT

PISORTAT SULERIAASIANNUT  
ILITSERSUUNNEQARNISSAMIK  
PISARIAQARTITSISUMUT



# SOOQ ILLERSUISOQARNERMIK AAQQISSUUSSINEQ?

Una quppersagaaraq ilinnut innarluuteqartumut  
innarluuteqartumulluunnit qanigisaasumut saaffiginnippoq.

Inatsimmi ikiorneqarnissannut aamma  
tapersersorneqarnissannut illit qanigisalluunniit  
pisussaaffigisassinnik qulakkeerinninnissat  
paasiuminaatsippiuk?

Amerlasuut kommunemut sorsuuteqarnissamut  
nukissaaleqisarput aamma pisinnaatitaaffitsik  
eqquutsinneqarnissaannut piumasaqarnissamut  
nukissaqarneq ajorput. Aamma inuit innarluutillit ilai  
erseqqissumik oqaasinnguisinnaanngillat,  
naammagittaalliummik assigisaanilluunniit  
namminneerlutik immersuisinnaanngillat. Tamanna  
ilaatigut qanigisaasunut annertuumik pisussaaffiliisin-  
naallunilu nanertuutaasinnaavoq, immaqalu qanigisaasoq  
inatsit pillugu paasiniaanissamut  
kommunemukarnissamullu nukissaqarneq ajorluni.  
Amerlasuut misigisarpaat kommunemi pisorta qarfinnilu  
allani periutsit kipiluttunartuusut.

Taamaattumik pisortat ingerlariaasianni ikiorneqarnissat  
pisinnaatitaaffigivat, taamaalillutit illit qanigisappilluunniit  
pisinnaatitaaffii, tapersersorneqarnissaa aamma  
pisariaqartitai allat pillugit illersuisoq peqatigalugu  
qulakkeerneqarsinnaapput.



# ILLERSUISOQARNEQ PILLUGU AAQQISSUUSSAQ SUNAAGAMI?

Illersorti kommunemi oqaloqateqarnermi, nakorsiarnermi imaluunniit pisortanik allanik oqaloqateqarnermi tapersersortaavoq eqqanniissinnaasoq. Illersorti naleqquttunik aperinissamut ikiuussinnaavoq ataatsimiinnermilu suut eqqartorneqarnersut aalajangiunneqarnersullu eqqummaariffigisinnaallugit.

Illersuisup iliuuserisinnaasai killeqarput, tassa illersuisoq inuk taamaallaat tapersersorsinnaavaa. Illersuisup suliaq aqussinnaanagulu tiguarsinnaanngilaa, taamaattumillu illersuisoq isumaqatiginninniarsinnaananilu, oqaaseqarsinnaanngilaq imaluunniit inuk pineqarteq sinnerluguaalajangiisinnaangilaq.

Inuit innarluutillit tapersersorneqarnissaat pillugu inatsimmi allaqqavoq, kommunip inuit innarluutillit tapersersorneqarnissaat pillugu suliaqalernermi, inuup innarluutillip illersuisumik tapersersorneqarnissaanik neqerooruteqassasoq. Tassa Kalaallit Nunatsinni innuttaasutut tamanna pisinnaatitaaffigivat piumasarisinnaallugulu.

Illit timikkut tarnikkulluunniit innarluuteqartuusutit innarluutilimmulluunniit qanigisaasuusutit kommunimik ataatsimeeqateqarnermi inatsip paasinissaanut, kommunip aalajangigaanut imaluunniit Isumaginninnermi naammagittaalliuuteqarfimmiit tapersersorneqarnissannut ikiorneqarnissannulluunniit itigartitsissuteqarneranut illersuisup naammagittaalliornissannut ikiorsinnaavaatit.

Illersuisup ikiuina tamatigut illit isumaqatigiissuteqarfigineratigut pisassaaq.

# SUMUT SAAFFIGINNISSAVIT?

Kommunerisavit illersuisoqarsinnaatitaanerit  
ilisimatitsissutigineqarnissaanut pisussaaffigaa.

Qanoq illersuisumik pissarsisinnaanerlutit  
paasisaqarfiginerorusukkukku kommunerisat  
sullissisorluunniit saaffigissavat.

Illersuisoqarnissat qinnutigigukku, tamatigut kommunip  
illersuisoqarnissat isumagisussaavaa.



# ILLERSUIISOQ QAQUGUKKUT PISARIAQARTINNEQAKKAJUTTARPA?

Kommunemi aamma isumaginninnikkut  
naammagittaalliuuteqarfimmi sulianut assigiinngitsunut  
aralinnut illersuisumit ikiortittoqarsinnaavoq.

Amerlasuut piginnaasakillisimanermi ta-  
persersorneqarnissamut atortorissaarutinullu  
qinnuteqarnermi illersortimit ikiorneqarsinnaallutik  
misigipput.

Illersuisoq qanigisaasumut, innarluutilimmut ikiuisartumut,  
siunnersueriaatsimut supervisionimut aamma ikiuisin-  
naavoq.



# UAGUTSINNUT TUNNGASUT

Innarluutillit pillugit oqaaseqartartoqarfik Tilioq  
politikkikkut attuumassuteqanngilaq Namminersorlutik  
Oqartussat ataanni inissisimasoq.

Tiliup suliassaraa Kalaallit Nunaanni inuit innarluutillit  
pisinnaatitaaffii qulakkiissallugit siuarsassallugillu.

Apeqqutissaqaruit uunga attaveqarnissannut  
tikilluaqqusaavutit:

TILIOQ

Aqqusinersuaq 48, 1. sal

Boks 3081

3911 Sisimiut

ATTAVIGISIGUT

Oqaras.: + 299 34 50 10 / +299 55 19 50

Mail: [info@tilioq.gl](mailto:info@tilioq.gl)

[www.tilioq.gl](http://www.tilioq.gl)



TILIOQ